



脏。大明。

叶

【**气味**】苦，平，无毒。

【**主治**】卒嗽不止，下气，煮汁服。别录。〔弘景曰〕若不暇煮，但嚼汁咽，亦瘥。治呕逆不止，妇人产后口干。大明。煮汁饮，主渴疾，治肺气热嗽，及肺风疮，胸面上疮。洗。和胃降气，清热解暑毒，疗脚气。时珍。

【**附方**】新七。温病发呕因饮水多者。枇杷叶去毛炙香、茅根各半斤，水四升，煎二升，稍稍饮之。虎安常方。反胃呕逆枇杷叶去毛炙、丁香各一两，人参二两，为末。每服三钱，水一盞，姜三片，煎服。圣惠。衄血不止枇杷叶去毛，焙研末。茶服一二钱，日二。同上。酒齏赤鼻枇杷叶、梔子仁等分，为末。每服二钱，温酒调下，日三服。本事。面上风疮方同上。痔疮肿痛枇杷叶蜜炙，乌梅汤肉焙，为末。先以乌梅汤洗，贴之。集要。痘疮溃烂枇杷叶煎汤洗之。摘玄。

花

【**主治**】头风，鼻流清涕。辛夷等分，研末，酒服二钱，日二服。时珍。

木白皮

【**主治**】生嚼咽汁，止吐逆不下食，煮汁冷服尤佳。思邈。

杨梅

【**释名**】杔子。

实

【**气味**】酸，甘，温，无毒。

【**主治**】盐藏食，去痰

止呕逆，消食下酒。干作屑，临饮酒时服方寸匕，止吐酒。开宝。止渴，和五脏，能涤肠胃，除烦愤恶气。烧灰服，断下痢甚验。盐者常含一枚，咽汁，利五脏下气。洗。

【**附方**】旧一，新三。下痢不止杨梅烧研，



每米饮服二钱，日二服。普济。头痛不止杨梅为末，以少许嚼鼻取嚏妙。头风作痛杨梅为末，每食后薄荷茶服二钱。或以消风散同煎服。或同捣末，以白梅肉和，丸弹子大，每食后葱茶嚼下一丸。朱氏集验。一切损伤止血生肌，令无瘢痕。用盐藏杨梅和核捣如泥，做成挺子，以竹筒收之。凡遇破伤，研末傅之，神圣绝妙。经验方。

核仁

【**主治**】脚气。案王性之挥麈录云：会稽杨梅为天下冠。童贯苦脚气，或云杨梅仁可治之。郡守王巖饋五十石，贯用之而愈。取仁法：以柿漆拌核暴之，则自裂出也。



树皮及根

【**主治**】煎汤，洗恶疮疥癣。大明。煎水，漱牙痛。服之，解砒毒。烧灰油调，涂汤火伤。时珍。

【**附方**】新二。中砒毒心腹绞痛，欲吐不吐，面青肢冷。用杨梅树皮煎汤二三碗，服之即愈。王頊易简方。风虫牙痛普济方用杨梅根皮厚者焙一两，川芎莠五钱，麝香少许，研末。每用半钱，鼻内啣之，口中含水，涎出痛止。摘要方用杨梅根皮、韭菜根、厨案上油泥，等分捣匀，贴于两腮上，半时辰，其虫从眼角出也。屡用有效之方。

樱桃

【**释名**】莺桃、含桃、荆桃。

【**气味**】甘，热，涩，无毒。

【**主治**】调中，益脾气，令人好颜色，美志。别录。止泄精、水谷痢。孟洗。

叶

【**气味**】甘，平，无毒。

【**主治**】蛇咬，捣汁饮，并傅之。頊。

东行根

【**主治**】煮汁服，立下寸白蛔虫。大明。

枝

【**主治**】雀卵斑野，同紫萍、牙皂、白梅肉研和，日用洗面。时珍。